



Inatsisartunut ilaasortaq Jens Napaattooq, Partii Naleraq  
Maani/

**Naalakkersuisunut § 37 nr. 070-imut apeqquteqaammut akissut  
sinerissap qanittuani angallatit aalisariutit ukiut 25-t sinnerlugit  
pisoqaassusillit amerlassusaat pillugu**

Dato: 08-02-2019  
Sagsnummer: 2019-4020  
Akt nr.: 10006302

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit sinerissap qanittuani angallatit aalisariutit ukiut 25-t sinnerlugit pisoqaassusillit qularnaatsumik amerlassusaat pillugu. Apeqqutip akineqarnissaa suliassaqarfinnut innersuunneqarpoq.

**1. Sinerissap qanittuani aalisariutit, ukiut 25 sinnerlugit nutaanngissusillit,  
qularnaatsumik amerlassusaat Naalakkersuisut paasissutigisinnaavaat?  
Naalakkersuisut qulaajakkap takutinnissaanut peqquneqarput..**

**Akissut:**

Aalisarsinnaanermut akuersissutit nalunaarsorneqartut tunngavigalugit

- nunatsinni aalisariutit angallatip GR-normua malillugu sinerissap qanittuani angallatit aalisariutit nalunaarsuiffimmiittut (75 BRT/120 BT-inik mikinerusut) 5 BRT/BT-imillu anginerusut,

paasissutissiissutigineqarsinnaavoq, angallatit nalunaarsorneqartut 358-iummata taakkunanga 289-it (81%) ukiut 25-t sinnerlugit pisoqaassuseqarlutik. Angallatit taakku ilaat isaterneqarsimasinnaapput allatigulluunniit aalisarnermi atorunnaar-neqarsimallutik, paasissutissammi angallatinut tunngassuteqartut aatsaat akuersissummik atulersitsisoqartillugu nutarterneqartarmata. Angallatit aalisariutit 2018-imi akuersissutillit kisiisa isigissagaanni angallatit 179-iupput taakkunanga 118-it (66%) ukiut 25-t sinnerlugit pisoqaassuseqarlutik.

Angallatit 6 meterimit mikinerusut (tamarmiusumik takissusia)

Ilanngullugu aalisarnermik inatsimmi ilaasut umiatsiaaqqat tamarmiusumik takissusiat 6 meter inorlugit angissusillit amerlassusaat ilisimaneqanngitsut amerlaqaat. Angallatit taakku qanoq pisoqaatigineri paasissutissatut pigineqanngillat.

Angallatit pisoqaassusaallu eqqornerusumik amerlassusilerneqassappata, angallatit allanngornerannik sukumiisumik nalunaarsuisoqartariaqarpoq, isaterineq ilanngullugu kiisalu Imarsiornermik Aqutsisoqarfiup angallatinik nalunaarsuiffianut ilanngutitaanissaq, taannaavormi pisortatigoortumik angallatinik nalunaarsuiffik. Imarsiornermik Aqutsisoqarfiup nalunaarsuiffia pitsaasumik ingerlanneqarnissaa qulakkeerneqassappat, nalunaarsuiffik ataavartumik nutartertariaqarpoq.

Imarsiornermik Aqutsisoqarfiup angallatinik 6 meter inorlugit angitigisunik  
nalunaarsuina annikitsuararsuuvoq.

Inussiarnersumik inuulluaqqusillunga



Nikkulaat Jeremiassen  
Aalisarnermut, Piniarnermut Nunalerinermullu Naalakkersuisoq



28. januar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

- 1. Sinerissap qanittuani aalisariutit, ukiut 25 sinnerlugit nutaanngissusillit, qularnaatsumik amerlassusaat Naalakkersuisut paasissutigisinnaavaat? Naalakkersuisut qulaajakkap takutinnissaanut peqquneqarput.**

(Inatsisartunut ilaasortaq Jens Napaattoq, Partii Naleraq)

**Tungavilersuut:**

Tapiissut nikerarsinnaasoq najoqqutaralugu, sinerissap qanittuani aalisariutit ukiut 25 sinnerlugit pisoqaassusillit, amerlassusaasa qulaarjarnissaat pissusissamisoorpoq.

Apeqquqtit ullut suliffiit qulit (10) qaangiutsinnagit akineqarnissaat kissaatigaara.